

دائرة مخصوصه

درسعادتده باب عالی جوارنده

محل اداره:

مشرط القلم

۱۳۲۶

اخطار:

مسلكمنزه موافق آثار جديده مع المنوئيه
قبول اورانور

دوح ايدهنن آثار اعاده اورانور

ديره، فلسفه، علوم، حقوق، ادبياتده و سياسياتده وبالخاصه كرك سياسي و كرك اجتماعي و مدني احوال و شئونه اسلاميه ديه بحث ايدر و هفته ده بر نشر انور.

آبونه بدلی

صاحب و مؤسسری :

ابوالعلا زين العابدين - ح . اشرف اديب

سنه لکی التي آيلنی

ممالك عثمانیه ايجون	۸۰	۴۰	غروش
روسيه	»	۶۰۵	۳۰۵ روبله
ساثر ممالك اجنييه	»	۱۷	۹ فرانق

تاريخ تأسيسی

۱۰ تموز ۳۲۴

قبرله دن مقوا بورو ايله کوندريليرسه سنوی

۲۰ غروش فضله آلنیر

عدد : ۷۲

۸ محرم ۳۲۸ پنجشنبه ۷ کانون ثاني ۳۲۵

اوچنجی جلد

بر کجیه وقوع بولان بر اجتماع رنده وکیل مشارالیه طرفندن ایراد بیوریان
نطقک بر نسخہ سنی لقا تقدیم ایدیورم ، رساله نك مسلکته توافق ایتدیکی
تقدیرده درج ونشر بیورلسی باینده .

حافظ فرید

صورت نظری

خلافت کبرای اسلامیہ نك مهمان دیشانی، دولت معظمه عثمانیه نك
محبوب وجدانی خدیو مفتخم پاشا حضرتلری !

بندہ کز ساعات حیاتیه مده خاطرہ مبجله سی الی الابد پایدار
قاله حق اولان شومسعود دقیقه ده ایکی نقطه نظر دن دماغ و وجدانده
اویانان افکار علویه وحسیات نجییه نك تأثیراتی آلتده بولمقدیم .
بونلرک برنجیسی حیات رسمیه مک غایه آمالی اعتباریله درک خلافت
اسلامیه وحکومت عثمانیه نك اک پاک ونزیه عناصر کزیده سنک ، اون
ایکی میلیون مصرلینک تمثال علویسی اولان ذات عالی خدیوانه لرینک
شوبله مبارکده ذات شوکتسمات حضرت پادشاهی ایلہ دولت علیه
قارشو پک بویوک برحس مربوطیت و عشق حیتله پرورده بویوردقلری
حسیات تعظیمکارانه وتمنیات خدایسنده نی تلقی الیکله مباهی ومسعود
اولدم . مکہ شهری کی صدق و اخلاصک منبر قدسیسی اولان بربلده
طاهره دن یوکسان صدای بلندلری اوندای حقیقتدرک بونک ، بوندن
اون درت عصر اول شو جبال مبارک آراسنده ترفع ایدن اصوات
جلیلہ کی صمیمی اولان طنینلری قیزغین قوملی چوللرک ، آق
کویوکلی دکلرک اوزرندن برعکس صدای ایمان قدسیته ، برسرعت
فکریه ایلہ کچه جک ، بوصورتله قاهره نك عشق واملرینی استانبولک
آغوش تحسر وصمیمیتنه تودیع ایلہ جک وبرخیرلی اولاد بر مشفق
پدری دلشاد ایدم جکدر . بناء علیه بو پیام عالینک بوتون نفاق
ومفسدتلره رغماً تأمین ایدم جکی ظفری ، تولید ایلہ جکی خیرمستقبلی
بوتون موجودیت متفکره ومتحسسه مله ، بوتون حرمت وجدانیه مله
سلامالرم .

ایکنجیسنه کلنجه : بوده صرف شخصیت وجدانیه مک تجلیل
ایتدیکی بر تاریخ مقدسه مربوطیت جهتیله در . اوت ، حضرت محمد
(صلم) ک تبلیغه مأمور بویورلدینی قرآن کریم اخوت بشریه یی
خللدار ایدن جنسیت دیوارلرینی ییقمش ؛ خط استوانک وقطب
شمالینک بوتون نسللرینی ، بیاض و سیاه عرقلری لواء الحمد اسلامیتک
سایه اخوت واتحادی الله دعوت ایلہ رک برچوق وجودلره برووح
افاضه ایشمش ، برچوق ملتلی امت واحده حاله کتیرمشدر . بونک
ایچوندرک اختیار اهراملرک کولکله لری آلتده قلبی دیکله یین بر
مصرلینک عشقی ، اسکی باغودلرک خرابه لری اوزرنده تفکره واران
بر هندلینک رؤیاسیله هم آهنگدر . ماوراءالنهر قیدیلرنده بشیکی
صالانان بر ترک اطلس طاغلرنده مزاری قازیلان بر برینک ماتمیله
دخوندر . بز بو اتحاد ایمان و وجدانک فیوض کریمه سیله بربریمزک
سرور والملمزمه ، امید وامللرمزه اشتراک ایدرز ؛ بر بریمزک اعظم
ودهاتیله افتخار ایلرز . بزہ بو درس اخوتی ، برووح اتحادی ویرن
بوکون احرام پوش مساوات اولدقلری حالده طواف بویوردیفکمز
شو کعبه معظمه در . کعبه معظمه ، اوچیوز میلیون اخوان دینمیزک

قبله کاهی اولان بو بیت الهی طواف اولسندینی زمان هر اسلامک
حافظه سنده بورایه خدمت ایدن برچوق اعظمک ، برچوق دهاتک
اسملری اویانیر و علی الخصوص بونلرک آراسنده قواله لی بویوک محمد
علی پاشانک سیای دینداری کوز اوکنه کلیر . بنده کزده بیت الهی یی
ایلک دفعه طواف ایلدیکم وقت بویله اولدم . سزک جد محترمکمز ،
بزم مابه الافتخارمن اولان اومبارک وجودی تخطر ایتدم . کندوسی
ایچون پرورده ایدم کلدیکم حس تعظیمی وجدانده بر غلیان بولدم .
اگر مساعده بویورورسه کز بوتحفه حرمتی ذات عالی فخیانه لرینه ،
اونک روح ودهاسنک یاشادینی وجود محترمه عرض واتحاف ایدم .

آثار نفیسه اسلامیہ

معارف عمومیہ ناظری امراء افندی اسلاف کرامک کتبخانه
عرفان ملته بریادکار کزینی اولان پک چوق آثار نادره ونفیسه
اسلامیه نك بعض آوروپا مطبعه لری طرفندن طبع وتمثیل ایدلدکلری
حاله مملکتهمزده نسخهلری معدوم دنیلہ جک درجه ده محدود اولدینی
نظر دقتہ الهرق اوکی آثارک مطبعه عامرده طبع وتمثیلی ایچون
ارباب وقوف واختصاصدن مرکب برهیته حواله کیفیت ایدلسنی
تنسیب ایلشدر . مذکور هیته مجلس معارف اعضاسندن حاجی ذہنی
افندی حضرتلری ریاست ایدم جکدر .

§ السنه اجنبیه دن لسانمزه ترجمه ایدیلہ جک کتابلرکده مطبعه
عامرده طبع وتمثیلی اسبابی استکمال قلنه جقدر .

الراجع انباه :

بالفان غرتہ سی فلبه مفتیسی سلمان فائق افندی نظردقنته وضع ایدیور :
مفتی افندی ! سامعه وجدانکزی براز آچیکمز . بیلمه یز
خبریکز یوقی ؟ سیورک بابا جامع شریفله بک مسجد جامع شریفی
پارتیزانلر طرفندن اکین خانباری اتحاد ایدلمش ، اکین ده بوسی
یایلمش !

حالبوکه اوقاف اسلامیہ اداره سی بومبائی اسلامیہ ایچون ایام مبارکده
یاقیلمق اوزره یاغ ویریور ، امام آیلنی ، مؤذن آیلنی اوده یور .
بوندنبویله نمازی اکینلرمی قیلاجق ؟

اگر بوجامعلر لزومسز ایه . برفتوای شریف اصدار ایدیکزده
بیقلسینلر دها ای ؟ هر حالده بوکی حقارتلردن ، رذالتلردن اولسون
مصون براقیلمش اولور .

روسیه مسلمانلری

اوسمانیشر لوئیدک مخابر مخصوصی یازیور :
گانون اول رومینک اون سکرنجی کونی آفتاصوف وقاریموف
نامنده ایکی مسلمان روسیه نك (اوقا) شهری محکمه سنده محاکمه
ایدلشدر . بونلر کچن یاز بر کتاب نشر ایددرک بونده مکتبلرده
اوقونمق اوزره تاتار لسانیه ترتیب اولنان کتابلرک روس حروفیله
یازیلوب تاتار حروفیله یازلمه سی حقنده معارف نظارتجه تعمیماتباغ